

# Vunzlai Mbanjyalwnz Caezsim Byaij Diuzroen Swnghdai Baenzfouq

## 下伦屯村民生态致富道路越走越宽阔

□ Lij-Gez Lai Liujswngh ingj

Fanh,moux go'ngaeux hophumx Mbanjyalwnz.



▲ Moix bi cungj banh baez hozdung aenngaeux hungloet doxdax ndeu.



▲ Mehmbwk ndaem ngaeux caemh maenh'ak raeuh.



▲ Hekyouz doxcanj cawx ngaeux.



▲ Gij nungzgyahloz ndaw mbanj ngoenznaengz hek lai raeuh.

Liujgyangh Yen Bwzbungz Cin Vaizhungz Cunh Mbanjyalwnz, diegyouq baihsaenamz Liujgyangh Yen, daengx mbanj ranzranz ndaem go'ngaeux, saimbwk lauxnyaq rox dajsan, caezsim bae guh daegsaek youqndwi lijyouz nungzyez, byaij diuzroen swnghdai baenzfouq, moix bi moix vunz cinghsouhaeuj mauhgvaq 1.2 fanh maenz, gonqlaeng ndaej bingz baenz "Guengjsae nungzyez lijyouz sifandenj", "daengx guek nungzyez lijyouz sifandenj", ndaej senj haeuj aen mingzdan "Cungguek doenghnaz gyaunde", "Guengjsae cib aen mbanj ceiq yinxvunz", "Liujcouh Si cib aen mbanj ceiq gyaunde", doenghgij mingzdaeuz ndei neix.

Mbanjyalwnz ing bya hwnjguh youh dep daemzngaeux, daengx mbanj 278 ranz gungh 1250 vunz, hangh hong ceiq youqgaenj de couhwdg ndaemganq go'ngaeux, ranzranz moix bi ndaem song sauh go'ngaeux, geij bi neix daeuj aen gihdi go'ngaeux aeu Mbanjyalwnz guh haedsim de gaenq iet doh daengx cin, lienzbenq ndaem go'ngaeux dabdaengz 3.3 fanh moux, gyoebbaenz aen gingj "aenhaj go'ngaeux fanh moux" gyaunde yinxvunz ndeu, aenngaeux hungloet naeng hau, hoh raez noh byoiq, feihdauh diemzvan, ndaej vunzlai haenh guh "ngaeuxnyawh", Cungguek Gijgwn Saekloeg Hwngfat Cungsime nyinhdingh de dwg gijgwn saekloeg A cibgaep, moix bi aenngaeux gai daengz Guengidoeng, Huzbaek, Yanghgangj daengj dieg caeuq Yizbwnj, Meijgoz, Gyahnazda daengj guekgya bae. Gyoengq vunzmbanj lij swnh seiz hongsoeng san laepngaeux gai, daengx mbanj lauxnyaq saimbwk bouxboux rox dajsan, gawq fuengbienth gai ngaeux, youh ndaej demlai souhaeuj.

Geij bi neix daeuj, Mbanjyalwnz leihyungh aen gingj ndei yawj "haijngaeux song sauh fanh moux" caeuq gij byaraemx henz mbanj gig miz daegdiemj de, haenqrengz hwngfat swnghdai nungzyez yawj gingj lijyouzyez, lij youq cwngfuj baihgwnz cihciz lajde hoengh banh ciet vwnzva ngauxnyawh hozdung, gij vwnzyi biujyienj caeuq hangh hozdung civaiz ciep bawxmoq gig miz daegsaek minzcuuz haenx, hawj gyoengq hekyouz yawj le roxnyinh mizyinx dangqmaz.

Seizneix, Mbanjyalwnz gaenq guh miz aen daemz-mboq caemxraemx ndeu caeuq lijgvanj, canhgvanj nungzgya daengj buek gihcuj sezsih ndeu, miz ranghdieg yawjngonz go'ngaeux swnghdai nungzyez, gorungzgeq buenzrag daengj 9 aen lijyouz gingjdenj. Ndaw mbanj lij guh ndei ndaem faex ganq va canglengj gunghcwnz, aeu suijniz bu ronmbanj 1500 mij, roen dieg gingj 1100 mij. Moix bi 4 nyied co daengz 11 nyied co, daemzngaeux heuswdswd, va'ngaeux daenggroebroeb, ndei yawj yinx vunz, hekyouz doxcaeh caenx haeuj ndaw mbanj, yawj va'ngaeux, cimz gwn byaekndoeng, cwxcaih angqyangz raixcaix.



▲ Mbanjyalwnz ing goengq-bya dep daemzngaeux.



▲ Hekyouz angq bae yawj-ngonz va'ngaeux.



▲ Vunzmbanj ngoenznaengz faenx fana fo'ngaeux.



▲ Vunzmbanj daeh ngaeux bae diemjsoucawx gai.